

حوار على بوابة الحزن

لا تغمضي بوابة الحزن
طالت بي الوقفة
مليان بالهفه
ما بين أنفاس الهجير
وعبرة لها صوت الهدير
..... محدود بالرفه
لا تغمضي لحظه
بي رغبة لهفه
أقرب من المعقول
وأبعد من المجهول
تدفعني للمسرا
بالعالم الاثرا
وما بين الضفه والضفه
بحدد الوقفه
ثم غمضي حيل... حيل
أقوى من الرفه
ان طبت لك
والا أذرفيني دمع
يجتاز حد السمع
أسهل من الرفه

حبيبتي يا فرصة فيها الفصول الأربعة
يا كل لحظات الفرح متجمعه
مشتاق انا لك حيل
ضميني بضفاف العيون المتعبة
اباغسل غبار السنين
وأعطيك لأتني حزين
ان طبت لك
والا أذرفيني دمع
يجتاز حد السمع
أسهل من الرفه

والذاكرة
اللثة على الذاكرة
مابه جميل ذاكره
حاولت من قبل ابنتي

ارجع ورا خطوط الورا
وجدتها متاكله
والا وش انتي فاكره
والذاكره
يمكن بها شي جميل ناسيه
يمكن ولكن قاسيه
حبيبتي
ماعدت انا اذكر
ماعاد ابي اذكر
ضميني بضفاف العيون
لي حاجة خلف الجفون
ان طبت لك
والا أذرفيني دمع
يجتاز حد السمع
أسهل من الرفه

حبيبتي مأسورة وسط الآه
مأسور انا بالآه
ابا أمنحك كلي
بس رحبي .. هلي
ولا تدهشي
لو قلت لك
أقدر أوقف في يدي
عقارب الوقت الهرم
وأمدد اللحظة
وأقدر أخالف هالزمن
وأقدر على حفظه
مافيه شي يستاهل الدهشه
لو تمنحيني الحب...
أمنحك الحياة
ان طبت لك
والا أذرفيني دمع
يجتاز حد السمع
أسهل من الرفه

نايف الحربي

صب القهر

صب القهر للغيض واشعل عتابي
الروح مشعل والطواري قنينه
واخذ الورق للريح..واقفل كتابي
ماعاد حطت بالمواني سفينه
اخر مراكب رحلتي لاغترابي
تحطمت قدام قلبي وعينه
اقفيت وبيدي مابقي من عذابي
واقفا وهو بيده بقايا حنينه
برحل عن الذكرى وبعثق شبابي
محتاج احزر كل بسمه رهينه

برحل عن البرواز دامه شقا بي
وبنسي ملامح صورتني في جبينه
ارض المحبة قفر ، عقب الروابي
وماعاد لإحساس المشاعر مدينة
تعبد الملام وكل حلم بقابي
وكل الليالي في سكوتي حزينه
بغيب وادفن ضيقتي في ثيابي
مدامني لاغبت.. ما قال وينه!!

■ نهار العصفور الهاجري ■

